

428 Dô sprach der werde, süeze man:
 »daz tuon ich, swester, ob ich kan.
 dar zuo gib selbe dīnen rāt.
 dich dunket, daz mir missetāt
 5 werdecheit habe underswungen,
 von prīse mich gedrunge.
 waz tōht ich denne ze bruoder dir?
 wan dienden alle krōne mir,
 der stüende ich ab durch dīn gebot.
 10 dīn hazzen wære mīn hōchstiu nôt.
 mir ist unmære vreude unt ēre
 niht wan nâch dīner lēre.
 Hēr Gawan, ich wil iuch des biten:
 ir kōmt durch prīs dâ her geriten.
 15 nû tuotz durch prīses hulde,
 helfet mir, daz mīne schulde
 mīn swester ûf mich verkiese.
 ê daz ich sî verliese,
 ich verkiuse ûf iuch mīn herzeleit,
 20 welt ir mir geben sicherheit,
 daz ir mir werbet sunder twâl
 mit guoten triwen umben Grâl.«
 Dâ wart diu suone geendet
 unt Gawan gesendet
 25 an dem selben mâle
 durch strīten nâch dem Grâle.
 Kyngrimursel ouch verkôs
 ûf den künec, der in dâ vor verlôs,
 daz er im sîn geleite brach.
 30 vor alden vürsten daz geschach.

den stüendich (Do stünt ich U) *T (ohne V)

mīn meistiu (grostev I) nôt. *G (nur G)

wan (Nīe wan O Nv wan L) n. d. l. *G (ohne ZFr21)

daz mīner sch. *T (nur T)

vor om. *T I O L Fr21

*D: D Fr1 Fr5 *m: m *G: G I O L Z Fr21 *T: T U V

1 Initiale D Fr1 Fr5 m I O L Z Fr21 V · Majuskel T 13 Capitulumzeichen Fr5 · Majuskel D T 15 Initiale I 19 Initiale G 23 Initiale T · Capitulumzeichen Fr5 · Versal Fr1 · Majuskel D 27 Initiale U

3 selbe] selbiv Fr5 4 mir] [dir]: mir Fr5 5 werdecheit habe] habe werdecheit Fr1 6 Vnd trivwe vndir drungin Fr5 7 tōht ich] toht ich D (Fr1 Fr5) 10 hazzen] haz Fr1 Z · mīn] mir Fr5 13 iuch] iv Fr5 · des] om. *m 15 tuotz] tūntz Fr5 tuot daz *m 22 guoten triwen] gūtem willen Fr1 23 geendet] verendet Fr1 24 Gawan] her Gawan Fr1 26 strīten] vorscen Fr1 28 vor] om. Fr5